



Statsforvaltaren i Vestland

Vår dato:

20.03.2023

Vår ref:

2023/4128

Dykkar dato:

Dykkar ref:

202114795

NORGES VASSDRAGS- OG ENERGIDIREKTORAT
(NVE)
Postboks 5091 Majorstua
0301 OSLO

Saksbehandlar, innvalstelefon

Eyvin Søltnæs, 5764 3135

Fråsegn til detaljplan og søknad om nettilknytning for Sandelva kraftverk i Samnanger kommune

Statsforvaltaren legg til grunn at nye naturinngrep blir avgrensa så langt som råd, og at området blir stelt til att etter moderne prinsipp.

Vi viser til oversendinga 9.3.2023 som gjeld høyring av detaljplan for Sandelva kraftverk.

Inntaket skal flyttast opp ein høgdemeter i høve til det som ligg til grunn for konsesjonen, og kraftstasjonsavløpet er flytta opp frå kote 8 til kote 63. Omløpsventil som skal sikre vassføringa ved bråe driftsstans er planlagt i tråd med konsesjonskravet. Søknaden om anleggskonsesjon omfattar 260 meter jordkabel frå kraftstasjonen til påkoplingspunkt på BKKs eksisterande nett, og generator og transformator skal etablerast inne i kraftstasjonen.

Vår vurdering

Vi legg generelt til grunn at nye inngrep i naturmiljø og dyrka mark skal avgrensast så langt som råd, at alle tiltak får best mogleg landskapstilpassing, og at området blir stelt til etter moderne prinsipp. Det inneber bruk av lokale massar, lokalt plantemateriell og med naturlege førekomstar på staden som førebilete. Vi reknar med at det er/blir vurdert om det kan nyttast allereie nedbygt areal til rigg, framfor lokalisering som fører til nye naturinngrep. Vi konstaterer at det planlagt å tilpasse røyrkata slik at gamle furutre blir ivaretekne.

Vi minner om forureiningslova § 7 om å unngå forureining. Vi legg til grunn at stein- og jordmassar blir handtert i tråd med regelverket slik det går fram av Miljødirektoratets veileder M-1243. Vi legg vidare til grunn at eventuelt betongavfall blir handtert i tråd med kap. 14 A i avfallsforskrifta.

Vi legg til grunn at tekniske installasjonar blir plasserte slik at dei er mest mogleg verna mot skred og flaum, for å unngå skade på både personar og materielle verdiar.

E-postadresse:
sfvlpost@statsforvalteren.no
Sikker melding:
www.statsforvalteren.no/melding

Postadresse:
Njøsavegen 2
6863 Leikanger

Besøksadresse:
Njøsavegen 2, Leikanger
Statens hus, Kaigaten 9, Bergen
Fjellvegen 11, Førde

Telefon: 57 64 30 00
www.statsforvalteren.no/vl
Org.nr. 974 760 665



Med helsing

Joachim Holmøyvik
seniorrådgjevar

Eyvin Søltnæs
seniorrådgjevar

Dokumentet er elektronisk godkjent

Kopi til:

Samnanger kommune
Vestland fylkeskommune

Tyssevegen 217
Postboks 7900

5650
5020

TYSSE
BERGEN